

唐
音
統
籤

丁籤七十五

唐音統籤卷

三百三十六

張籍字文昌和州烏江人亦云吳縣人貞元十五年登進士第授太常寺太祝久之遷秘書郎國子博士歷水部員外郎主客郎中終國子司業當代有名士皆與之游韓愈尤賢重之性狷直嘗以不能著書規責愈工樂府古詩與元白孟東野諸家同號元和體又長今體律詩格調一變貞元已前之舊詩集七卷今編八卷唐志籍詩七卷宋志十卷乃南唐張洎重輯為篇四百餘錢公輔名為木犀集後侍講湯中復益二十七篇引據昌黎集及籍詩中語定籍止于吳寓居于和淳祐中吳守魏峻復益六篇編為九卷其商女勤齊二詩為樂天所稱及效阮步兵一

日復一日同昌黎公作者並亡逸不可得
易讀籍古樂府詩云張君何為者業文三十
二樂府詞舉代少其倫姚合讀籍詩云妙絕江
南曲淒涼怨女詞古風無敵手新句是人知
中云王荆公却有絕句稱籍樂府詩看如尋常
成如客易却難幸可為知言體製相類曰大曆
還古聲愈下強張籍王建二家體製相近復言
竟或舊曲新聲或新題古義詞音通暢悲欲窮
慨然有古歌謠之道亦唐世流風之變而得其
者徐一賦思三歎使人長於樂府古辭元以後
具含意一唱三歎使人長於樂府古辭元以後
一人而已其近律卑事平淨固不樂天之流
詩發

五言古詩

宛轉行
以下樂府

華屋重翠帷綺席雕象床遠漏微更疎薄衾中夜
涼爐氣暗徘徊寒燈背斜光妍姿結宵態寢覺幽

夢長宛轉復宛轉憶君更未央

湖南曲

瀟湘多別離風起芙蓉洲江上人已遠夕陽滿中
流鶯鶯東南飛上青山頭

憶遠曲

水上山沉征途復統林途荒人行少馬迹猶可
尋雪中獨立樹海口失侶禽離憂如長線千里縈
我心

雜怨

切重切秋風桂枝折人當少年嫁我當少年

別劉辰翁云真念君非征行年長遠途妾身甘是婦人本色獨歿高堂有舅姑山川豈遙遠行人自不返

離婦

十載來夫家閨門無瑕疵薄命不生子古制有分離記身言同穴今日事乖違念君終棄捐誰能強在茲堂上謝姑嫜長跪請離辭姑嫜見我往將次復沉疑與我古時釧留我嫁時衣高堂拊我身哭我於路陸昔日初為婦常君貧賤時晝夜常紡績不得事蛾眉辛勤積黃金濟君寒與餓洛陽買大宅邯鄲買侍兒夫婿乘龍馬出入有光儀將為富

家婦永為子孫資誰謂出君門一身上車歸有子
未必榮無子坐生悲為人莫作女作女實難為

懷別

僕人驅行軒低昂出我門離堂無留客席上唯琴
樽古道隨水曲悠々繞荒村遠程未奄息別念在
朝昏端居愁歲永獨此留清景豈無經過人尋嘆
門巷靜君如天上兩我如屋下井無回同波流願
作形與影

西州

羌胡據西州近甸無邊城山東收租稅養我防塞

兵胡騎來無時居人常震驚嗟我五陵間農者罷
耘耕遑頭多愁傷士卒難全形郡縣發丁役丈夫
各征行生男不能養懼身有姓名良馬不念秣烈
士不苟營所願除國難再逢天下平

學仙

樓觀開朱門樹木連房廊中有學仙人少年休穀
糧高冠如芙蓉霞月披衣裳六時朝上清佩玉紛
鏘自言天老書祕覆雲錦囊百年度一人妄泄
有災殃每占有仙相然後傳此方先生坐中堂弟
子跪四箱金刀截身髮結誓焚靈香弟子得其訣

清齋入空房守神保元氣動息隨天罡爐燒丹砂
盡晝夜候火光藥成既服食計日乘鸞鳳虛空無
靈應終歲安所望勤勞不能成疑慮積心腸虛羸
生疾痛壽命多大傷身歿懼人見夜埋山谷傍求
道慕靈異不如守尋常先王知其非戒之在國章
夜懷以下古詩
窮居積遠念轉上迷所歸幽蕙零落色暗螢參差
飛病生秋風簞淚墮明月衣無愁坐寂寞重使奏
清微

卧疾

身病始知道臥讀神農經空房夜留燈四壁青熒
熒羈旅逐人歡貧賤還自輕今來問良醫乃知病
所生僮僕各相憂杵臼無停聲見我形憔悴勸藥
語丁寧春兩枕席冷窓前新禽鳴開門起無力遙
愛雞犬行服藥察耳目漸覺如酒醒方悟養生者
不為憂患并

野居

貧賤易為適荒郊亦安居端坐無餘思彌樂古人
書秋田多良苗野水多遊魚我無耒與網安得充
庖廚寒天白日短簷下暖我軀四肢暫寬柔中賜

鬱不舒多病減志氣為客足憂虞
況復時節晚覽物空踟躕

南歸

促口念道路四支不常寧行車未及家天外非盡
程骨肉望我歡鄉里望我榮豈知東與西憔悴竟
無成天寒苦夜長窮者不念明懼離其寢寐百憂
傷性靈世道多險薄相勸異忠誠遠遊無知音不
如商賈行遠人有常志愚夫勞無營樵山卒未賣
言歸樂此生

城南

漾々南澗水來作曲池流言尋參差島曉榜輕盈
舟萬繞不再正千尋盡孤幽藻澁訝人重萍分指
魚遊繁苗毯下垂密箭翻迴轉曝鱉亂自墜陰藤
斜相鈎卧蔣黑米吐翻芰紫角稠橋低競俯樓亭
近閒夷猶目為逐勝朗手因掇芳柔漸喜游來極
忽疑歸無由氣壯雖可覽纖微諒難搜未聽主人
賞徒愛清華秋

三原李氏園宴集

暮春天早熟邑居苦囂煩言從君子樂。彼李氏
園。中有草堂池引涇水泉開戶西北望遠見嵯

峨山借問主人翁
北州佐戎軒僕夫守舊宅為客
施榻燈高壤有餘滋竹樹芳且鮮
傾我所持觴盡
日共留連
踈拙不偶俗常喜形體閑
况來幽棲地
能不重笑言

奉和舍人叔直省時思琴

藹藹繁薇直秋意
深無窮滴瀝仙閣漏蕭穆禁池
風竹月泛涼影
萱露澹幽叢地清物態勝宵閒
情思通時屬雅音際迴凝
虛抱中達人掌握近常與
隱默同

懷友

人生有行役誰能如草木別離感中懷乃為我極
惜百年壽命短光景良不足念我別離者顧懷日
月促平地施道路車馬往不復空知為良田秋望
禾黍熟端居無儔侶日夜禱耳目立身難自覺常
恐一作憂興辱窮賤無閒暇疾痛多嗜欲我思攜
手人道遙任心腹

董公詩

此篇與學仙樂天謂可
下詢舊臣上諷人主

誰主東諸侯元臣隴西公旌節居汴水四方皆承
風在朝四十年天下誦其功相我明天子政成如
太宗東方有艱難公乃出臨戎單車入危城慈惠

安群先公謂其黨言汝材甚驍雄為我帳下士出
入衛我躬汝息為我子汝親我為翁衆皆相顧泣
無不和且恭其父教子義其妻勉夫忠不自以為
資奉上但願公衣無文采公食少肥濃所憂在
萬人上實我寧空輕刑寬其政薄賦弛租庸四郡
三十城不知歲饑凶天子臨朝喜元老留在東今
開揚盛德就安我大邦百辟賀明主皇風恩賜重
朝廷有大事就決其所從海內既無虞君臣方肅
雍端居任僚屬寡語常從容翻上者蒼鳥來巢於
林叢甘瓜生塲圃一蒂實蓮中田有嘉穀隴畝訟

總亦同賢人佐聖人德與神明通感應我淳化生
瑞我地中昔者此州人但矜馬與弓今公施德禮
自然威武崇公與其百年受祿將無窮

獻從兄

悠悠旱天雲不遠如飛塵賢達失其所沉飄同衆
人擢秀登王畿出為良使賓名高滿朝野幼賤誰
不聞一朝遇詔耶流竄八九春詔書近遷移組綬
未及身冬井無寒冰玉潤難為焚虛懷日迢遙榮
辱常保純我念出游時勿吟康樂文願言靈溪期
聊欲相依因

贈孟郊

歷々天上星沉々水中萍幸當清秋夜流影及微
形君生衰俗間立身如禮經淳意發高文獨有金
石聲才名振京國歸省東南行停居楚城下顧我
不念程寶鏡曾墜水不磨難自明苦節居貧賤所
知賴友生歡會方別離戚々憂慮并安得在一方
終老無送迎

贈姚怱

漏天日無光澤土松柏長君今職下位志氣安得
揚白髮文思壯才為國賢良無人識高韻薦于天

子傍况我愚朴姿強趨利名場遠同干貴人一作舉身舉
固難彰昔逢汴水濱今會習池陽豈無再來期願
恐非此方願為石中泉不為瓦上霜離別勿復道
所貴不相忘

寄韓愈

野館非我室新居未能安讀書避塵雜方覺此地
閒過郭多園墟桑果相接連獨游竟寂寞如寄空
雲山夏景常晝毒密林無鳴蟬臨溪一盥濯清去
肢體煩出林望魯城君子在其間戎府草章記阻
我此遊盤憶昔西潭時並持釣魚竿共所得魴鯉

烹鱸于我前幾朝還復來嘆息時獨言

病中寄白學士拾遺

秋序病客眠庭樹滿枝蟬涼風統砌起斜影入牀
前梨晚漸紅墜菊寒無黃鮮倦遊并寔日感嘆蹉
跎年塵歡久消委華念獨迎延自寓城闕下識君
弟事焉君為天子識我方沉病纏無因會同語悄
悄中懷煎

雨中寄元宗簡

秋堂羸病起盥漱風雨朝竹影冷踈澁榆葉暗飄
蕭街徑多墜果墻隅有蛻蛻延瞻游步阻獨坐閒

思飢君居應如此恨言相去遙

野寺後池寄友

佛寺連野水池幽夏景清繁木蔭芙蓉渠時有水禽
鳴通溪岸斲斷分渚流復縈伴僧鐘磬罷月來池
上明友人竟不至東北見高城獨游自寂寞况此
恨盈々

寄別者

寒天正飛雪行人心切々同為萬里客中路忽離
別々君汾水東望君汾水西積雪無平岡空山無
人蹊羸馬時已轅行々未遑食下車勸童僕相顧

莫嘆息詎知佳期隔離會終無極

別段生

與子曾面親願其長相隨况離父母傍從我學詩
書同在道路中講誦亦未窺為父于我前日夕生
光儀行役多病癘賴此相扶持貧賤事俱難今日
有別離我去秦城中子留汴水湄離情兩飄斷豈
異風中絲絢軍獨為客舉動難為宜努力自修勵
長如見我時我時發山岡再揖問還期還期在新
年勿怨微會遲

傷于鵠

西山無逸人忽覺大國貧良玉沉幽泉名為天下
珍野性疎時俗再命乃從軍氣高終不合去如鏡
上塵我初有章句相合者惟君今來吊嗣子對隴
燒斯文耕者廢其耜糞者絕其薪笥無新衣裳蜀
用光我身真曰徒再拜昔意安能陳徒保金石韻
千載人所聞

沈千運舊居

汝北居子宅我來見頽墻亂離子孫盡地屬隣里
翁土水被丘墟蹊路不相通舊井蔓草合牛羊墜
其中居辭天子書放意任體躬一生不自力家與

逆旅同高議切星辰餘聲激瘖聾方將旋福閣百
歲可封崇嗟其未積年已為荒林叢時豈無知音
一作莫能敦此風浩蕩竟無覩我將安所從

祭退之

嗚呼吏部公其道誠巍昂生為大賢姿天使光我
唐德義動鬼神鑒用不可詳獨得雄直氣發為古
文章學無不該貫吏治得其方三次論諍退其志
亦剛強再使平山東不言所謀減薦待皆寒羸但
取其才良親朋有孤稚婚姻有辦營如彼天有斗
人可為信常如彼歲有春物宜得華昌哀哉未申

施中年遽殂喪朝野良共哀矧於知舊賜籍在江湖間獨以道自將學詩為衆體久乃濫爰曩畧無相知人黯如霧中行北遊偶逢公盛語相稱明名回天下聞傳者入歌聲公領試士司首薦到上京一來遂登科不見苦貢場觀我性朴直乃言及平生由茲類朋黨骨肉無以當坐令其子拜常呼幼時名追招不隔日繼踐公之堂出則連轡馳寢則對榻床披窮古今書事一作斟相酌一作量有花必同尋有月必同望為文先見草釀熟偕共觴新果及異鮭無不相待嘗到今三十年曾不少異更公文

為時師我公有微聲而後之學者或那為韓張我
宮麟臺中公為大司成念此妾末秩不能力自揚
特狀為博士始獲升朝行未幾享其資遂忝南宮
卽是事賴拯扶如屋有棟梁去夏公請告養疾城
南庄籍時官休罷兩月同游翔黃子陂岸曲地曠
氣色清新池四平漲中有蒲荇香北臺臨稻疇茂
柳多陰涼板亭坐垂釣煩苦稍已平共愛池上佳
聯句舒遐情偶有賈秀才來茲亦同并移船入南
溪東西縱篙棹劃波激船舷前後飛鷗鷺回入潭
瀨下網截鯉與魴踏沙掇水蔬樹下蒸新杭日來

相與嬉不知暑日長柴翁携童兒聚觀於岸傍月中登高臨星漢交垂芒釣車擲長綫有獲齊歡驚夜闌乘馬歸衣上草露光公為道谿詩唱咏多慨懷自期此可老結社於其鄉籍受新官詔拜恩當入城公因同歸還居處隔一坊中秋十六夜魄圓天差靖公既相邀留坐語於堦楹乃出二侍女合彈琵琶箏臨風聽繁絲忽遽聞再更顧我數來過是夜涼難忘公疾浸日加孺人視藥湯來候不得宿出門每迴遑自是將重危車馬候從橫門僕皆逆遣獨我到寢房公有曠達識生死為一綢及當

臨終展意色亦不荒贈我珍重言傲然委衾裳公
比欲為書遺約有修章令我署其末以為後事程
家人踞於前其書不果成子符奉其言甚於親使
令魯論未訖注手跡今微范新亭成未登閑在莊
西廂書札與詩文重疊我笥盈頃息萬事盡腸情
多摧傷舊塋明津北野窵動鼓鉦柳車一出門終
天無迴箱籍貧無贈賢蜀用申哀誠衣器陳下帳
醪餌奠堂皇明靈庶鑒知髣髴斯來餐

新桃

桃生葉婆娑枝葉四面多高未出牆顛蒿莧相凌

摩植之三年餘今年初試花秋來未成實其陰良
已嘉青蚬不來鳴安得迅羽過常恐牽絲出蒙幕
成網羅顧託戲童兒勿折吾柔柯明年結甘實磊
磊充汝家

惜花

春潭足芳樹水清不如素幽人愛華景一一空山
暮月出潭氣白游魚暗衝石夜深春思多酒醒山
寂

惜花

淡々庭樹花墜地無顏色日暮東風起飄揚玉堦

側殘莖在猶稀青條縱復直為君結芳實令君勿
嘆息

丁籤七十五張籍之二

唐音統籤卷

三百三十七

七言古詩

樂府

白紵歌

皎々白紵白且鮮將作春衣稱少年裁縫長短不能定自持刀尺向姑剪復恐蘭膏汙纖指常遣傍人收墜耳衣裳著時寒食下還把玉鞭、白馬

野老歌

一作山農詞

老翁家貧在山住耕種山田三四畝苗疎稅多不得食輸入官倉化為土歲暮鋤犁倚空室呼兒登山收橡實西江賈客珠百斛船中養犬長食肉

短歌行

青天蕩日高且虛上有白日無根株流光蹙出還
入地使我年少不須更與君相逢勿寂寞衰老不
復如今樂金危盛酒置君前再拜勸君千萬年

猛虎行

南山北山樹冥冥猛虎白日繞林行向晚一身當
道食山中麋鹿盡無聲年一作養子在空一作谷雌
雄上山不相逐谷中退窟有山村長向村家取黃
犢五陵年少不敢射空來林下看行迹

少年行

少年從獵出長楊禁中新拜羽林郎獨對輦前射
雙虎君王手賜黃金璫日關雉都市裏贏得寶
刀重刻字百里報誓夜出城平明還在娼樓醉還
聞虜到平陵下不待詔一作勒書行上馬斬得名王
獻禮宮封侯起第一日中不同六郡良家子百戰
始取邊城功

隴頭行

隴頭路斷人不行胡騎已入涼州城漢兵處七格
闕死一朝盡沒隴西地驅我邊人胡中去恐放牛
羊食禾黍去年中國養子孫今看瓊裘學胡語誰

能還使李輕車重取涼州屬漢家

將軍行

彈箏峽東有胡塵天子擇日拜將軍遂來殿前賜
六纛還領禁兵為部曲當朝受詔不辭家夜向咸
陽原上宿戰車彭彭旌旗動三十六軍齊上隴
頭戰勝夜亦行分兵處收舊城胡兒殺盡陰磧
暮搜唯有牛羊聲邊人親戚曾戰歿今逐官軍
收舊骨磧西行見萬里空幕府獨奏將軍功

求仙行

漢皇欲作飛仙子年採藥東海裏蓬萊無路海

無邊方士舟中相枕死招搖在天迴白日甘泉玉
樹無仙實九皇真人終不下空向離宮祠太乙丹
田有氣凝素華君能保之昇絳霞

楚宮行

章華宮中九月時桂花未落紅橋垂江頭騎火照
輦道君王夜從雲夢歸霓旌鳳蓋到雙闌臺上重
重歌吹發千門萬戶開相當燭龍左右列成行下
輦更衣入洞房洞房侍女盡焚香玉階羅幃微有
霜齊言此夕樂未央玉酒湛湛盈華觴絲竹次第
鳴中堂已妍起舞向君王迴身垂手結明璫願君

千年萬年壽朝出射麋夜飲酒

洛陽行

洛陽宮闕高中州城上嵯峨十二樓翠華西去幾
時迢島巢乳鳥藏蟄燕御門空鎖五十年稅彼農
夫修玉殿六街朝暮鼓鼙禁兵持戟守空宮百
官日月拜章表駢使相續長安道上陽宮樹黃復
綠野射入苑食麋鹿陌上老翁雙淚垂共說武皇
巡幸時

泗水行

泗水流急聲潺潺鯉魚上下紅尾短春冰消散日

華滿行舟往來浮橋斷城邊漁市人早行水烟漠
漠多棹聲

春日行

春日融_一池上暖竹芽出土蘭心短草堂晨起酒
半醒家僮報我_{後一字}園花_{已一字}滿頭上皮冠未嘗
整直入花間不尋徑樹_上殷勤盡繞行攀枝未遍
春日暝不用積金著青天不用服藥求神仙但願
園裏花長好一生飲酒花間老

羈旅行

遠客出門行路難停車飲策在門端荒城無人霜

滿路野火燒橋不得度寒蟲

一作兔

入窟鳥歸巢僅

僕問我誰家去

劉辰翁云狎形客到此

行尋田頭暝未息徒

穀長棘礙荆棘緣岡入澗

投田家主人

一作人

舂米為夜

食晨雞噉

茅屋傍行人起掃車上霜舊山已別

行已遠身計未成難復返長安陌上相識稀遠望

天門白日晚誰能聽我辛苦行為向君前歌一聲

江村行

南塘水深蘆筍齊下田種稻不作畦耕場磷磷在
水底短衣半染蘆中泥田頭刈蒹結為屋歸來繫
牛還獨宿水淹手足盡為瘡山童遶衣飛撲桑

村堪黑蠶再眠小姑娘採桑不餉田江南熟早天氣
毒雨中移秧顏色鮮一年耕種長苦辛田熟家
將賽神

永嘉行

黃頭鮮卑入洛陽胡兒持戟升明堂晉家天子作
降虜公卿奔走如驅羊紫陌旌旗暗相觸家
犬驚上屋婦人出門隨亂兵夫死眼前不敢哭九
州諸侯自顧土無人顧兵來護主北人避胡多在
南人至今能晉語

廢宅行

胡馬崩騰滿阡陌都人避亂唯空宅
○邊青桑葉死○野蠶食葉還成繭黃雀啣草入燕窠嘖○
○白日晚去時未黍埋地中饑兵掘土翻重○
○梟養子庭樹上曲墻空屋多旋風亂定幾人還本
土唯有官家重作主

北邙行

洛陽北門北邙道喪車轢○入秋草車前齊唱薤
露歌高墳新起日峨○朝○暮○入送塋洛陽城
中人更多千金立碑高百尺終作誰家柱下石山
頭松柏半無主地下白骨多於土寒食家○送紙

錢鳥鸞作窠啣上樹人居朝市未解愁請君暫向
北邙遊劉辰翁云只如此自不可堪真樂府之體也

沙堤行

長安大道沙為堤風吹無塵雨無泥宮中玉漏下
三刻朱衣導騎丞相來叶茂之切路傍高樓息歌吹千
車不行上者避街官閣吏相傳呼當前十里唯空
衢白麻詔下移相印新堤未成舊堤盡

傷歌行

唐書楊憑歷方鎮入戶京兆奢侈樂第永寧里又廣高伎妾於永樂別宅為御史中丞李曼簡所糾即訊御史臺詔貶臨賀尉此詩蓋為憑作

黃門詔下促收捕京兆尹繫御史府出門無復部

曲隨親戚相逢不容語辭成謫尉南海州受命不
得須臾留身著青衫騎惡馬東門之外無送者郵
夫防吏急喧驅往々驚墮馬蹄下長安里中荒大
宅朱門已除十二戟高堂舞榭鏤管絃美人遙望
西南天

烏棲曲

西山作宮花滿池宮烏曉鳴萊莢枝吳姬採蓮自
唱曲君王昨夜船中宿

春江曲

春江無雲潮水平蒲心出水鳧雛鳴長干夫婿愛

遠行自染春衣縫已成妾身生在金陵側去年夫
壻住江北春來未到父母家舟小風多渡不得欲
辭勞姑先問入私向江頭祭水神

江南曲

姚鼐所云妙絕
江南曲或即此也

江南人家多橘樹吳姬舟上織白苧土地卑濕饒
蟲蛇連木為牌入江住江村亥日長為市落帆度
橋來浦裏青莎覆城竹為屋無井家上飲潮水長
干平日沽春酒高上酒旗懸江口娼樓兩岸臨水
柵夜唱竹枝留北客江南風土歡樂多悠上處處
盡經過

採蓮曲

秋江岸邊蓮子多採蓮女兒並一作船歌青房圓
實齊戰一作爭前競折漾微波試牽綠莖下尋藕斷
處絲多刺傷手白練束腰袖半卷不插玉釵粧梳
淺船中未滿度前洲借問阿誰家住遠歸時共待
暮潮上自弄芙蓉還蕩槳

別離曲

行人結束出門去幾時更踏門前路憶昔君初納
采時不言身屬遼陽戍早知今日當別離成君家
計良為誰男兒生身自有役那得誤我少年時不

如逐君征戰死誰能獨老空閨裏

送遠曲

戲馬臺前山簇々山邊飲酒歌別曲行人醉後起
登車席上回尊勸僮僕青天漫々覆長路遠遊無
家安得住願君到處自題名他日知君從此去
翁云能發詩得
信沈着婉轉

送遠曲

吳門向西流水長水長柳暗烟茫々行人送客各
惆悵話離叙別傾清觴吟絲竹鳴笙簧酒酣性逸
歌猖狂行人告我挂帆去此去何時返故鄉殷勤

振衣西相囑世事近來還淺促願君看取吳門山
帶雪經春依舊綠行人行處求知親送君去上徒
酸辛

寄衣曲

織素縫衣獨苦辛遠因回使寄征人官家亦自寄
衣去貴從妾手著君身高堂姑老無侍子不得自
到邊城裏殷勤為看初著時征夫身上宜不宜

寄遠曲

美人來去春江暖江頭無人江水滿浣沙石上水
禽栖江南路長春日短蘭舟桂楫常渡江無回重

寄雙瓊瑞

塞上曲

遼州八月修城堡
候騎先燒磧上草
胡風吹沙度隴飛
隴頭林木無北枝
將軍閱兵青塞下
鳴鼓鑿鑿促獵圍
天寒山路石断裂
白日不銷帳上雪
烏孫國亂多降胡
詔使名王持漢節
年々征戍不得閒
邊人殺盡唯空山

讌客詞

上客不用顧金羈
主人有酒君莫違
請君看取園中花
地上漸多枝上稀
山頭樹影不見石
溪水無

風應更

一作
映天

碧人亡齊醉起舞時誰覺翻衣與倒

幘明朝花盡人已去此地獨來空繞樹

廢瑟詞

古瑟在匣誰復識玉柱顛倒朱絲黑千年曲譜不
分明樂府無人傳正聲秋虫暗穿塵作色腹中不
辯工人名幾時天下復古樂此瑟重奏雲門曲

樵客吟

山上採樵選枯樹深處樵多出辛苦秋來野火燒
樵林枝柯已枯堪採取斧聲坎々在幽谷採得齊
稍青葛束日西待伴同下山竹擔彎々向身曲共

知路傍多虎穴未出深林不敢歌
村西地暗狐兔行稚子叫時相應聲
採樵客莫採松栢生枝直且堅與君作屋成家宅

楚妃怨

湘雲初起江沉沉
君王遙在雲夢林
江南雨多旌戟暗
臺下朝日春水深
章華殿前朝下國
君心獨自終無極
楚兵滿地兼逐禽
誰用一身騁筋力
西江若翻雲夢中
麋鹿死盡應還宮

吳宮怨

吳宮四面秋江水
江清露白芙蓉死

劉辰翁云
哀怨意引

吳

王醉後欲更衣座上美人嬌不起
宮中千門復萬戶君恩反覆誰能數
君心興妾既不同徒向君前作歌舞
茱萸滿宮紅實垂秋風嫋嫋上生繁
枝姑蘇臺上夕燕罷它人侍寢還獨歸
白日在天光在地君今那得長相索

稍有古意

征婦怨

九月匈奴殺邊將漢軍全沒遼水上
萬里無人收白骨家下城下招魂葬
婦人依倚子與夫同居貧賤心亦舒
夫死戰場子在腹妾身雖存如畫燭

賈客樂

金陵向西賈客多船中生長樂風波欲發移船近
江口船頭祭神各澆酒停杯共說遠行期入蜀經
蠻誰別離金多衆中為上客夜々筭緡眠獨遲秋
江初月猩々語孤帆夜發瀟湘渚永工持檝防暗
灘直過山邊及前侶年々逐利西復東姓名不在
縣籍中農夫稅多長辛苦棄業寧為販寶翁

古釵嘆

古釵墮

一作墜

井無顏色百尺泥中今復得鳳凰宛

轉有古儀欲為首飾不稱時女伴傳看不知主羅
袖拂拭生光輝蘭膏已盡股半折雕文刻樣無年

月雖離井底入匣中不用還與墜時同

遠別離

蓮葉團團。荇葉折。長江鯉魚馨鬣。赤念君少年棄
親戚。千里萬里。獨為客。謊言遠別。心不易。天星墜
地。能為石。幾時斷得城南陌。勿使居人有行役。

秋夜長

秋天如水。夜未央。天漢東西。月色光。愁人不寐。畏
枕席暗蟲噴。遠我傍荒城。為村無更聲。起看北
斗天未明。白露滿田風。娘。千聲萬聲。鷓鴣鳥鳴。

妾薄命

薄命嫁得良家子無事從軍去萬里漢家天子平
四夷護羌都尉裹屍歸念君此行為死別對君裁
縫泉下衣與君一日為夫婦千年萬歲亦相守君
愛龍城征戰功妾願青樓歌樂同人生各有所
欲詎得將心入君腹

關山月

秋月明朗關山上山中人馬蹄響關山秋來雨
雪多行人見月唱邊歌海邊茫茫天氣白胡兒夜
渡黃龍磧軍中探騎暮出城伏兵暗處低旌戟沙
磧連天霜草平野駝尋水磧中鳴隴頭風急雁不

下沙塲苦戰多流星可憐萬里關中道年々戰骨
多秋草

車遥遥

征人遙々出古城雙輪齊動駟馬鳴山川無處不
歸路念君長作萬里行野田人稀秋草綠日暮放
馬車中宿驚鷹游兔在我傍獨唱鄉歌對僮僕君
家大宅鳳城隅年々道上隨行車願為玉鑾繫華
軾終日有聲在君側門前舊路久已拋無由復得
君消息

丁籤七十五張籍之三

唐音統籤卷

三百三十八

長短句

樂府

雲童行

雲童白龍之尾垂江中今年天旱不作雨水足
牆上有禾黍

董逃行

洛陽城頭火燄上亂兵燒我天予宮宮城南面有
溪山盡將老幼藏其間重巖為屋椽為食丁男夜
行候消息聞道官軍猶掠人舊里如今歸未得董
逃行漢家幾時重太平

烏啼引

秦鳴啼啞。夜啼長安吏人家。吏人得罪囚在獄。
傾家賣產將自贖。少婦起聽夜啼烏。知是官家有
赦書。下床心喜不重寐。未明上堂賀舅姑。少婦語
啼鳴。汝啼慎勿去。惜汝庭樹作高窠。年。不令傷
爾雛。

春水詞

鴨。嘴。喙。青蒲生春水。狹蕩漾。木蘭舟。船中有
少年。少年醉鴨不起。

湘江曲

湘江無潮秋水濶
湘中月落行人發
行人發送人歸白
蘋茫。鷓鴣飛

築城詞

築城處千人萬人齊把杵
重土堅試行錐軍吏
執鞭催作遲來時一年
深磧裏著尽短衣渴無水
力盡不得拋杵聲杵聲未定
一作人皆死家上養
男當門戶今日作君城上土

牧童詞

遠牧牛遠村四面禾黍稠
陂中飢鳥啄牛背令我
不得戲鰲頭入陂草多牛
散行白犢時向蘆中鳴

隔堤吹葉應同伴遠鼓長鞭三四聲牛食草莫
相觸官家截爾頭上角

促促詞

促促復促促家貧夫婦歡不足今年為人送租船
去年捕魚向江邊家中姑老子復小自執吳綃輸
稅錢家桑麻滿地思念君一身空努力願教牛
蹄團羊角直君身常在應不得

白頭吟

請君膝上琴彈我白頭吟憶昔君前嬌笑語兩情
宛轉如縈素宮中為我起高樓更開華池種芳樹

春矢百草秋始衰
棄我不待白頭時
羅襦玉珥色未暗
今朝已道不相宜
揚州青銅作明鏡
暗中持照不見影
人心回互自無窮
眼前好惡那能定
君恩已去若再返
菖蒲花開月長滿

節婦吟

寄東平李司空師道

洪容齋云藉

云在他幕府李常辭之藉却而不納故

好但

劉辰翁云好自

君知妾有夫
贈妾雙明珠
感君纏綿意
繫在紅羅襦
妾家高樓連苑起
良人執戟明光裏
知君用心如日月
事夫誓擬同生死
還君明珠雙淚垂
何不相逢未嫁時

寄葛蒲吟

石上生葛蒲一寸十二節仙人勸我食令我頭青
面如雪逢人寄君一絳囊書中不得傳此方君能
來作樓霞侶與君同入丹玄鄉

白黿吟

天欲雨有東風南溪白黿鳴窟中六月人家井無
水夜聞黿聲人盡起

行路難

湘東行人長嘆息十年離家歸未得弊裘羸馬苦
難行僮僕飢寒少筋力君不見床頭黃金盡壯士

無顏色龍蟠泥中未有雲不能生彼升天翼

各東西言

遊人別一東復一西出門相背而不返惟信車輪
與馬蹄道路悠々不知處山高海闊誰辛苦遠遊
不定難寄書日々空尋別時語浮雲上天兩墮地
暫時會合終離異我今與子非一身安得死生不
相棄

長塘湖

長塘湖一斛水中半斛魚大魚如柳葉小魚如針
鋒水濁誰能辨真龍

朱鷺

翻々兮朱鷺來汎春塘棲綠樹羽毛如翦色如染
遠飛欲下雙翅歛避人引子入溪塹動處水紋開
灑々誰知豪家細爾軀不如飲啄江海隅

雀飛多

雀飛多觸網羅網羅高樹巔汝飛蓬蒿下勿復投
身網羅間粟積倉未和田巢之雛望其母來還

山頭鹿

山頭鹿雙角芟々尾促々貧兒多租輸不足夫死
未塋兒在獄一作早日熬々丞野岡禾黍不熟無獄糧

縣家惟憂少軍食誰能令爾無死傷

賦花一言至七言

墮王起集

五言律詩一

江南春

江南楊柳春日暖地無塵渡口過新雨夜來生白
蘋晴沙鳴乳燕芳樹醉遊人向晚青山下誰家祭
水神

秋閨

一作望行人

秋風窓下起旅雁又

一作向

南飛日出門望家行

客歸無因見邊使空待寄寒衣獨倚青樓暮烟暝

鳥雀稀

出塞

一作塞
下曲

秋塞雪初下將軍遠出師
分營長記火放馬不收
旗月冷邊帳濕沙昏夜
揆遲征人皆白首誰見滅
胡時

詠懷

老去多悲事非唯見二毛
眼昏書字大耳重語聲
高望月偏增思尋山覺發
勞都無作官意賴得在
閑曹

閑居

東城南陌塵紫幃與朱輪盡說無多事能閑有幾
人唯教推甲子不信守庚申誰見衡門裏終朝自
在貧

早春病中

羸病及年初心情不自如多申請假牒祇送賀官
書幽徑獨行步白頭長懶梳更憐晴日色漸暖
貧居

早春閑遊

年長身多病獨宜作冷官從來閑坐慣漸覺出門
難樹影新猶薄池光晚尚寒遙聞有花發騎馬暫

行看

夏日閑居

多病逢迎少閑居又一年
藥看成日合茶過卯時
煎草長晴來地蟲飛晚後天
此時幽步遠不覺到
山邊

夏日閑居

無事門多閉偏知夏日長
早蟬聲寂寞新竹氣清
涼閒對臨書案看移晷
藥床自憐歸未得猶寄在
班行

晚秋閑居

獨坐高秋晚蕭條足遠思家貧長畏客身老轉憐
兒萬種盡閑事一生能幾時從來疎懶性應祇有
僧知

山中秋

一作春夜

寂々山景

一作春

靜幽人歸去

一作卧

遲橫琴當月下

壓酒及花時冷

一作新

露濕茆屋暗泉衝竹籬西峰

採藥伴此夕恨無期

冬夕

寒蛩獨罷織湘雁猶能鳴月色當窻入鄉心半夜
生不成高枕夢復作遠堦行回首嗟淹泊城頭北

斗橫

雲谿西亭晚望

雲水碧悠々西亭柳岸頭夕陰生遠岫斜照逐迴
流此地動歸思遙人方倦道吳興舊壑盡空見白
蘋洲

西樓望月

城西樓上月復是雪晴時寒夜共來望思鄉獨下
遲幽光落水塹淨色遍霜枝明日千里去此中還
別離

同綿州胡郎中清明日對雨西亭宴

郡內開新火高齋雨氣清惜花邀客賞勸酒促詞
聲共醉移芳席留歡開幕城政閑方宴語琴筑任
遙情

春日李舍人宅見西省諸公唱和回書情即
事

又見帝城裏東風天氣和官閑人事少年長道情
多紫掖發章句青闈更詠歌誰知余寂寞終日斷
經過

晚春過崔駙馬東園

閑園多好風不意在街東
早詩名遠長酒性

同竹香新雨後鶯語落花中莫遣經過少年光漸
覺空

和左司元郎中秋居十首

選得閑坊住秋來樹木肥風前卷筒簾雨裏脫荷
衣野客留方去山童取一作藥歸非因入朝省過

此出門稀

有地唯栽竹無池亦養龜學書求墨跡釀酒愛朝
和古鏡銘文淺神方謎語多居貧閑自樂豪客莫
相過

閑來松菊地未省有挨塵直去多將藥朝回不訪

人見僧收酒罌迎客換紗巾更恐登清要難成自
在身

自知清靜好不要問時豪就石安琴枕穿松壓酒
槽山情因月甚詩語入秋高身外無餘事唯應筆
硯勞

閑堂新掃灑稱是早秋天書客多呈帖琴僧興合
絃莎臺乘晚上竹院就涼眠終日無忙事還應似
得仙

醉倚斑藤杖閑眠癭木床藥頭行氣訣爐裏降真
香尚儉經營少居閑意思長秋茶莫夜飲新作

松漿

每憶舊山居新教上墨圖晚花迴地種好酒問人
沽夜後開朝簿申前發省符為郎凡幾歲已見白
鬚

菊地終通屐茶房不壘階遇醫看蜀藥寄信覓吳
鞋盡得仙家法多隨道客齋本無榮辱意不是學
安排

林下無拘束閑吟放性靈好時開藥竈高處置琴
亭更撰居山記唯尋相鶴經初當授衣假無吏挽
門鈴

客散高齋晚東園景象偏
晴明猶有蝶涼冷漸無
蟬簾折霜來子蝸行雨
後涎新詩繞上卷已得
滿城傳

過賈島野居

青門坊外住行坐見南山
此地去人遠知君終日
閑蛙聲籬落草色戶庭
間好是經過處唯愁暮
獨還

經王處士原居

舊宅誰相近唯僧近竹
閑庭開雲滿井窻曉雪
通山來客半留宿借書
多寄還明時未中歲莫
便一

生閒

題李山人幽居

襄陽南郭外茅屋一書生無事焚香坐有時尋竹
行畫苔藤杖細踏石筍鞋輕應笑風塵客區區逐
世名

題清徽上人院

古寺臨壇久松間別起堂看添浴佛水自合讀經
香爇蕕無家客多傳得效方過齋長不出坐卧一
繩床

不食仙姑山房

癖。花枝裏草堂。唯素琴。因山魯。改眼見客不言。
心月出溪路。靜鶴鳴雲樹。溪丹砂。如可學。便欲住。
幽林

丁籤七十五張籍之四

唐音統籤卷

三百三十九

五言律詩二

薊北春懷

渺々水雲外別來音信稀
因逢過江使却寄在家
衣問路更愁遠逢人空說歸
今朝薊城北又見塞鴻飛

薊北旅思

日日望鄉國空訝白苧詞長因

一作片

送人處憶得

別家時失意還獨語多愁祇自知
客亭門外柳折

盡向南枝

劉辰翁云三四無藥無要句是沈着
據言云元和中長安有沙門失記名善

病人文章元能提語意相合之處張籍頗志之吳
崔愈切思得句曰長同送人處憶得別家時徑往
詩僧曰此應不合前常意也僧笑曰此有人道了
也藉曰向有何人僧吟吟曰見他桃李發思憶後
困春籍因
擬掌大笑

江頭

晚步隨江遠來帆過眼頻試尋新住客少見故鄉
人回首憐歸翼長吟任此身應同南浦雁更見嶺
頭春

思江南舊遊

江皋三月時花發石楠枝歸客應無數春山自不
知獨行愁道遠迴信畏家移楊柳東西渡范公欲

問誰

夜到漁家

漁家在江口潮水入柴扉行客欲投宿主人猶未

歸

劉辰翁云語意在此

竹溪村路遠月出釣船稀遙見尋沙

岸春風動草衣

嶺外逢故人

過嶺萬餘里旅遊經此稀相逢去家遠共說幾時
歸海上見花發瘴中唯鳥飛炎州望鄉伴自識北
人衣

宿江店

野店臨江

一作西

浦門前有橘花停燈待賈客賣酒

與漁家夜靜江水白路迴山月斜

劉辰翁云自然好

閑尋

泊船處潮落見平沙

夜宿黑龜谿

夜到碧谿裏無人秋月明逢幽更移宿取伴亦探
行花下紅泉色雲西乳鶴聲明朝記歸處石上自

書名

宿臨江驛

楚澤南渡口夜深來客稀月明見潮上江靜覺鷗

飛

劉云五字寂寥

旅宿

一作次

今已遠此行猶

一作殊

未歸離

家久無信又聽搗寒衣

紀事云劉長卿餘干旅舍云搖落暮天迴州楓霜葉

稀孤城向水閉獨鳥背人飛渡口月初上歸家淚未淨卿心正欲他何處楊花衣與此詩歷相類

登咸陽北寺樓

高秋原上寺下馬一登臨渭水西來直秦山南去

溪橋宮人不住見一作荒碣路難尋日暮涼風起蕭

條多遠心

遊襄陽山寺

秋色江邊路煙霞若有期寺實無利施僧老足慈

悲薜荔侵禪室蝦蟆占浴池閑遊殊未徧即事下

山時

山中古祠

春草空祠墓荒林唯鳥飛
記年碑石在經亂祭人稀
野鼠緣朱帳陰塵蓋画衣
近來潭水黑時見宿龍歸

酬裴僕射朝回寄韓吏部

獨愛南閨裏山晴竹杪風
從容朝早退灑洒客常通
按曲新亭上移花遠寺中
唯應有吏部詩酒每相同

酬白二十二舍人早春曲江見招

曲江冰欲盡風日已恬和
柳色看猶淺泉聲覺漸

多紫蒲生濕岸青鴨戲新波仙掖高情客相招共
一過

酬韓秦酒雨中見寄

雨中愁不出陰黑盡連宵屋濕唯添漏泥深未放
朝無剪憐馬瘦少食信是嬌關道韓夫子還同此
鮮寒

酬韓庶子

西街幽僻處正與懶相宜尋寺獨行遠借書常
送還家貧無易事身病是閑時寂寞誰相問紙應
君自知
我携琴曰韓贈詩落句有端來問奇字為
我携琴形用揚子雲亭北落句亦冥然相

問不用揚子
雲事為落

酬孫洛陽

家貧相遠住齋館
入時稀獨坐看書卷
閑行著褐衣
早蟬庭第老
新雨徑莎肥
各離爭名地
無人見是非

和裴僕射移官言志

身校勤勞地
常思放曠時
功成歸聖主
位重委群司
看壘臺邊石
閑吟篋裏詩
蒼生正瞻望
難與故山期

和裴司空即事通簡舊僚

肅。上台坐四方皆仰風。當朝奉明政。早日立元
功。獨對赤墀下。密宣黃閣中。猶聞動高韻。思與舊
僚同。

和李僕射秋日病中作

由來病根淺。易見藥功成。曉日杵臼靜。涼風衣服
輕。猶疑少氣力。漸覺有心情。獨倚紅藤杖。時時
上行。

和戶部令狐尚書喜裴司空見招看雪

南園新覆雪。上宰晚來看。誰共登春榭。唯聞有地
官。色連山遠靜。氣與竹偏寒。高韻更相應。寧同詔

吹歆

奉和陝州十四翁中丞寄雷州二十二翁司

戶

聯飛獨不前迥落海南天賈傅竟行矣邵公惟法
然瘴開山更遠路極水無邊沈芳本多感况聞原
上篇

和陸司業習靜寄所知

幽室獨焚香清晨下未央山開登竹閣僧到出茶
牀收拾新琴譜封題舊藥方逍遙無別事不似在
班行

贈姚合少府

病來辭赤縣案上有丹經為客燒茶竈教兒掃竹
亭詩成添舊卷酒盡卧空餅闕下今遺逸誰占隱
士星

贈任懶

未肯求科第溪坊且隱居勝遊尋野客高卧看兵
書點藥醫閑馬分泉灌遠蔬漢庭無得意誰擬薦
相如

贈同溪客

幽居得相近烟景每寥々共伐臨溪樹同為過水

月二日
橋自教青鶴舞分採紫芝苗更愛南峰住尋君路
恐遙

贈辟穀者

學得食霞法逢人與小還身輕曾試鶴力弱未離
山無食大猶在不耕斗自閑朝日空漱水叩齒草
堂間

贈箕山僧

久住空林下長齋耳目清蒲團借客坐石磴甃人
行似鶴難知性因山強號名時聞衣袖裏閣搗念
珠聲

贈海東僧

別家行萬里自說過扶餘學得中州語能為外國
書與醫收海藻持呪取龍魚更問同來伴天台幾
處居

征西將

黃沙北風起半夜又翻營戰馬雪中宿探人冰上
行溪山旗未展陰磧鼓無聲幾道征西將同收碎
葉城

漁陽將

寒溪沙草白都護領燕兵放火燒奚帳分旗築漢

城下營看嶺勢尋雪覺人行更向桑乾北擒生問
磧名

老将

翼衰頭似雪行步急如風不怕騎生馬猶能挽硬
弓兵書封錦字手詔滿香筒今日身憔悴猶誇定
遠功

隱者

先生已得道市井亦容身敢病自行藥得錢多與
人問年長不定傳法又非真常見鄰家一作說時

間

一作時

使鬼神

靈都觀李道士

山觀而來靜遠房瓊草春素書天上字花洞古時
人泥竈煮靈液掃壇朝玉真幾迴遊閬苑青節亦
隨身

律僧

苦行長不出清羸最少年持齋唯一食講律豈曾
眠避草每移徑濾蟲還入泉從來天竺法到此幾
人傳

上國贈日南僧

獨向雙峰老松門閉兩崖翻經依貝葉掛衲落藤

花甕石新開井穿林自種茶時逢海南客蠻語問誰家

不食姑

幾年山裏住已作綠毛身護氣常稀語存思自見神養龜同不食留藥任生塵要問西王母仙中第幾人

沒蕃故人

前年伐月支城上沒金師蕃漢斷消息死生長別離無人收廢帳歸馬識殘旗欲祭疑君在天涯哭此時

舊宮人

歌舞梁州女歸時白髮生
全家沒蕃地無處問鄉
程宮錦不傳樣御香空記名
一身難自說愁逐路
人行

江陵孝女

孝女獨垂髮少年唯一身
無家空托墓主祭不從
人相吊有行客起廬因舊隣
江頭聞哭處寂々楚
花春

宿邯鄲館寄馬磁州

孤客到空館夜寒愁卧遲
雖沽主人酒不似在家

時幾宿得歡笑如今成別離明朝行更遠迴望隔
山陂

舟行寄李湖州

客愁無次第川路重辛勤
藻密行舟濫濟多轉機
頻薄遊空感惠失計自憐賁
賴頌汀洲句時時慰
遠人

寄昭應王中丞

借得街西宅開門渭水頭
長貧唯要健漸老不禁
愁獨凭藤書案空懸竹
酒觴春風石甕寺作意共
君遊

登城寄王建

聞君鶴嶺住西望日依々遠客偏相憶登城獨不
歸十年為道侶幾處共柴扉今日烟霞外人間得
見稀

使至藍谿驛寄太常王丞

獨上七盤去峰巒轉々稠雲中迷象鼻兩哀下第
頭水沒荒橋路鴉啼古驛接君今在城闕肯見此
中愁

寒食夜寄姚侍御

貧官多寂寞不異野人居作酒和仙藥教兒寫道

書五湖歸去遠
百事病來疎
況憶同懷者
寒庭月上初

寄孫冲主簿

低折滄洲簿
無書整兩春
馬從同事借
妻怕罷官貧
道僻收閑藥
詩高笑古人
仍聞長吏奏
表乞鎖廳頻

寄漢陽故人

知君漢陽住
烟樹遠重丘
歸使雨中發
寄書燈下封
同時買江塢
今日別雲松
欲問新移處
青蘿最北峰

寄友人

憶在江南日同遊三月時採茶尋遠澗
鳴向春池送客沙頭宿招僧竹裏晷
如今各千里無計得相隨

寄紫閣隱者

紫閣氣沉沉先生住處深有人時得見無路可相
尋夜鹿伴茅屋秋猿寄栗林唯應採靈藥更不別
營心

寄遠客

一作思
遠人

野橋春水清橋上送君行去
人應老年
草自

注出門看遠道無信向邊城楊柳別離處秋蟬今復鳴

宿廣德寺寄從舅

古寺客堂空開簾四面風移床動栖鶴停燭聚飛蟲閑卧遂涼處遠愁生靜中林西微月色思與寧家同

寄靈一上人初歸雲門寺

寒山白雲裏法侶自招携竹徑通城下松門隔水西方同沃州去不作武陵迷彷彿遙看處秋風是會稽